



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

# MOELETSI OA BASOTHO

PARARE DOMINO PLEBEM PERFECTAM



6

**Le qoba ho lefa lipoko**

**Lekala le tsoanela lihoai**

7



## BA SUTUTSA MAMATI OHLE



**Access Our Books on Akello Library!**

Explore a wide range of our books anytime, anywhere. Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>

**Follow the link**



**MOELETSI****Le'a ekeletsoa****Lihoai thahasellang  
boleng****Nthabeleng Seitlheko**

**P**aramente e bile ntsoeleng hore setšoantšo sa molao o lisitseng Lekhotla la Liakhete tsa Lesotho le ekeletsoe lilemo tse hlano tsa tšebetso ho akofisa mosebetsi oa lona. Litaba tsena li hlhalletse tulong ea Ntlo ea Bakhethoa, ka la 13 Phato monongoa.

Molula-Setulo oa Komiti ea Molao le Tšireletso ea Litokelo tsa Mantlha tsa Botho, Evaristus Ramakatsa o hlalositse hore tlaleho ea komiti ea habo e khotahletsa hore Ntlo ea Bakhethoa e hlomathise temana ea

9 ea molao o tsamaisang Lekhotla lena (2) ea setšoantšo sa molao o alositseng liakhete Lesotho oa selemo sa 1983.

O re sehloathiso sena se lokela ho lumela hore Lekhotla le ba litulong nako ea lilemo tse hlano e seng se le seng kaha ba sitoa ho etsa mosebetsi oa boalosi ka nepo.


O re Lekhotla lena le boetse le sebetsa le mekhatlo e mengata ebile ke karolo ea Lekhotla la 'Muso.

Setho sa Ntlo ea Bakhethoa, Adv. Lekhetso Rakuoane o tlatsitse litaba tsena ka le reng sehloathiso sena se tla akofisa tšebetso ea Lekhotla lena hore le matahane le litsi tse ling ho phethisa meralo ea nako e telele ho sebetsana le litaba

tse amang liakhente.

O re taba ena e boetse e thusa Lekhotla leo ho qosa liakhente ha le li fumana li e-na le liphoso, 'me selemo se le seng se etsa hore ba sitoe ho fihlela litharollo tsa moshoelella litabeng tse ba amang.

Molula-Setulo oa Balula-Setulo ba Likomiti tsa Paramente ea Lesotho, Makhalanya Mokhothu o hlalositse hore liqhotso tse amang liakhente li lokela ho sebetsa ka matla ka hoo lilemo tsena tse hlano li tla thusa ntlafalong ea tšebetso ea Lekhotla leo. A re joalokaha ho ntse ho etsoa tlhopho-bocha ea melao ba hloka liakhente tse matla ho tla emela litaba tsa khatikelo ea Litokelo tsa Mantlha tsa Botho.



Ha se hangata batho ba sa rutehang kapa ba sa atlehang lithutong tsa bona ba nahaneloang ho fuoa lithuso kapa melemo e itseng. Empa re leboha Lekala la Thuto le Koetliso ka tšebeliso 'moho le United Arab Emirates (UAE) ka ho nahanela batho bana. Ho na le lenaneo le tl'o kenngoa tšebetsong le tl'o banna feela ha joale empa leha ho le joalo, le tl'o fetisetsoa likolong tsa matsoho e le hore le anele bohle joaloka batho ba basali. Bacha ba thoholelitse lekala ka mohato ona hobane ba bang ba bontša ba sa atleha ho feta Foromo ea Bohlano ka mokhoa o khotsofatsang, 'me joale esale ba lula ba sitoa ho ntšetsa thuto ea bona pele kaha ho se moo ba ka amoheloang. Ka lebaka lena monyetla ona o fihla e se joale ba o emetse, ka hona ba tl'o o amohela ka liatla tse peli 'me ba o sebelise molemong oa kholo ea bona. Ba re ba na le tšepo e tiileng ea hore kamor'a ho phethela tsena tsohle ba tla tseba ho itsoarela ka matsoho ba sa emele ho hiroa. Litaba tsena li monate haholo hobane litalenta tsa batho ha li tšoane joalokaha batho re fapakaneng, empa ho latela ka moo lefatše le sebet-sang kateng ho shejoa batho ba nang le mangolo ba rutehileng. Ke phoso e kholo ena hobane ho na le batho ba sa kenang sekolo empa ba nang le litalenta tsa bohlokoa tse ka thusang tsoelapeleng ea naha. Batho ba joalo ha ba ka kopana le ba rutehileng ba ka tsosa ntho e kotsi haholo. Ha se hantle ho ba nena hobane matsoho a hlatsoana.

Ka lehlakoreng le leng, Lekala la Tekano, Bacha le Ntšetsopole ea Sechaba le ntse le nchafatsa manane a maqheku le maqhekoana ho qoba ho lefa batho ba seng ba khutletse ho 'Mopi oa bona. Le hlalosa ha chelete eo e ka sebelisoa linthong tse ngata joaloka ho nyollela ba ntseng ba phela chelete kapa ho etsa lintlafatso tse ling. Hape lekala le ntse le kenya tšebetsong mokhoa o mocha oa ho lefa metsofe ka marang-rang, e le ho potlakisa litšebeliso. Metsofe e meng e thabetse taba ena haholo hobane ba re ba qetella ba entse mekitlane hobane ba lebeletse litsiane ho fihla ka nako e itseng ebe ha ho nko ho tsoa lemima. Ha e le ba bang bona ka lebaka la ho hloka tsebo ka litaba tsa marang-rang, ba utloa eka ba tl'o jeoa chelete eohle. Hobane joale ba thusoa ke bana kapa baahisane, 'me bao ha ba tseba nomoro ea bona ea lekunutu ba ka ba etsetsa botsotsi habobebe. Leha ho le joalo, ba bontšitse ba lokela ho amohela phetoho ena kaha ho se seo ba ka se etsang.

Lekala la Temo, Kanetso ea Lijo le Phepo e Nepahetseng le nkile mohato oa ho thusa lihoai ka mebaraka, ka ho ba le sethala sa lipontšuo. Bo-rakhoebobane ba khahluoehaholo 'me ba tšepisitse ho reka lihlahisoa tsa lihoai tsa lehae. Phetoho ea boemo ba leholimo le ha e fetotse temo ea naha hakaalo, ho ntse ho e-na le ba bang le monyetla oa ho kotula, ka hona ho thabisa ho bona 'muso o ba ela hloko hore mofufutso oa bona o se felle boeeng joaloka oa ntja. Boipiletso e ntse e le hore lihoai li ke li rekise lihlahisoa tse nang le boleng, tse sa tlitlibiseng bareki ho hang. Bareki ba bangata b'a rata ho tšehetsa likhoebobane tsa hae koano, empa ba hlooa ke lihlahisoa tseo e seng tsa boleng, ebe qetellong b'a li furalla ba khutlela moo ba tloaetseng.

AK'u lekeng matsapa ohle Basotho ba batle, ho tliša lihlahisoa tsa maemo a matle mebarakeng. Lihlahisoa tsa lona ha e le tsa boleng, li tla ithekisa ka bo-tsona ka tsela ke ena; motho a le mong kapa ba babeli ha ba khotsofetse ba tla bolella ba bang ebe e se e ba khoele e sa khaoheng. Uena etsa bonnete ba hore u hlalisa hantle, u beha tsohle ka mekhahlelo ea tsona. Ho rekisa lihlahisoa tsa maemong ho boetse ho boloka seriti sa khoebobane ea hau, ka hoo u se iphumane u oetse molekong oa hore ha thepa ea boleng e felile u rekise sohle se ka pel'a mahlo a hau. Ikamohela 'me u khutlele morao, etsoe ho checha ha ramo ha se ho baleha empa e le ho nka matla feela.

**MOLIMO A BOLOKE LESOTHO LE BASOTHO**

Contacts: +266 28350 466

62600983 WhatsApp

Email: [newsroom@moeletsoabasotho.co.ls](mailto:newsroom@moeletsoabasotho.co.ls)

Sales and Marketing: (+266) 28 350 466/ 57396597 (WhatsApp)

**MOELETSI oa BASOTHO**  
A LOKHETSE MORENA SECHABA SE PHETHEHLENG (LUKE 1,17)

**Editorial**

Lesoetsa Rakubutu

(+266) 6203 1949 / 58190670

EMAIL: [editor@moeletsoabasotho.co.ls](mailto:editor@moeletsoabasotho.co.ls)

Mohale Lehlohonolo (Sub-editor)

(+266) 58 771 507 / 62 771 507

**Journalists**

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

**Production Desk: 'Mateele Liqa**

# Ba sututse mamati ohle-Makhalanyane



melo ea Sechaba (YES) Molefi Ntšonyana, o hlalositse hore bacha ba tlohele ho khotsa lipolotiki ba sa bontše ka liketso kapa ba re ha se karolo ea tsona empa li ama bokamoso ba bona. A re o tšoenyehile haholo ke letheke-theke leo bacha ba Lesotho ba leng lona ha ba ea ba shebane le lipolotiki ba bile ba kene lipolotiking tsa mahloeo.

O re bacha ba lokela ho fetola tsela ea ho etsa lintho kaha lintho tsa khale li ke ke tsa ba tsoela molemo; mocha oa hona joale o lokela ho bontša ka liketso, maputulo le ho buella sechaba sa

habo hore se fumane bosebeletsi bo botle litabeng tsohle tsa sona. A re liketso tsa bobolu, ho hloka 'nete le tse ling tse se nang thuso tse etsoang ke bapolutiki ba hona joale li ama kholo ea bona le bokamoso ba naha empa qetellong bohle ba batla sechaba se phelang se ikoahlaea hobane matlotlo a naha a metse maoto bacha ba khutsitse. A re ke nako ea hore bacha ba eme ba kale ka thata ho sireletsa tseo e leng tsa bona, kaha ho se naha e 'ngoe eo ba tla phela ho eona ka bolokolohi le ho ba le puo litabeng tsohle tse ba amang.

## Nthabeleng Seitlheko

**M**olula-Setulo oa Balula-Setulo ba Likomiti tsa Paramente, Mokhothu Makhalanyane o re ha bacha ba sa fetohela ho motho ea tla ba fetola, ka hoo bacha ba lokela ho nahana haholo kaha e le nako ea bona ha joale, 'me eena o ikemiselitse ho ba tšehetsa ka hohle-hohle. Litaba tsena li hlahelletse ketekelong ea Letsatsi la Machaba la Bacha, ka la 12 Phato monongoaha.

O re bacha ba itšehile mahetleng ea mebuso e leng ntho e liehisang tsoelopele ea bona. A re ba se ba lokela ho tsitsa tsamaisong e seng ho bapolutiki, esale ba bua ka lichelete tse ngata tse tlang ho bacha e le 'muso empa ho fihlela hoo joale ha ho mocha ea unneng molemo ka eona ho latela lipehelo tse holimo tsa eona.

A re ba hloka hore melao e tsamaisang litaba tsa kabo ea mesebetsi e lokisoa 'me e arabele lithoko tsa bacha e le hore ba tsebe hore litaba tsa bona li arabeloe. A tiisa hore ha bacha ba sa re letho ka litaba tse ba amang ha ho motho ea ka reng letho ka bona. A ba khothaletsa ho sebetsa 'moho le sechaba hore ba atlahe, ebile 'me o lakatsa hore tona-khola a ke a mamele bacha ba tšehetsoe hape ba etsetsoe sebaka seo ba ka atlehang ho bua ka litaba tsa bona ba lokolohile. O itse paramente e emetse sechaba ka hoo ba kokote, ba e bule, ba se ke ba ithekisetsa lipolotiki tse fatše empa ba na le matla a ho fetola bophelo ba bona.

O re ntho e bolaileng paramente ke khaello ea tsebo le ho tsoarana ka matsoho, ka hoo bacha ba se ke ba iket-

sa lisono ba bule mamati ka matla, kaha e se bohle ba nang le thahasello ea thuto empa ba shebile haholo litaba tsa boqapi, ba hloka ho intlafatsa le sebaka ebe se tsitsiseng.

A re matsatsi a 1000 a kholo ea ngoana a bohlokoa 'me ho bonahala ba amehile ha ba ntse ba shebile hore na ba hokae, ka hoo ha ba ntse ba sheba litaba tsena

ba sireletse kholo ea ngoana ba tsebe ho ba le bacha ba matla ba nang le boikemelo, hobane qetellong ba tla nahana litaba tsa batho hore ba hole ba rata ho ba le litsebo. A re ke nako ea hore bacha ba ke ba inahanele.

Ho sa le joalo, e mong oa bacha ba keneng lipolotiking a bile a thehile Mokha oa Lekhotla la Tu-



# O beha mesebetsi ea bona pepeneneng

## Nthabeleng Seitlheko

**M**orero oa Bono, Lipontšuo le Botaki o tšohere mokete oa lipontšuo sebakeng sa bataki ba bacha sebakeng sa ho bapatsa litsebo tsa bona le ho aha likamano mahareng a bona le ho hohela bareki le bahoebi. Litaba tsena li bile Holong ea Liboka ea Manthabiseng, Maseru ka la 10 Phato monongoaha.

Mothehi oa morero ona, Naomi Basin o hlalositse hore mokete ona o reretsoe ho bapatsa bacha ba liqapi le ho keteka ho thoasa ha selemo se secha sa Basotho. A re ho se kenngoe tšebetsong ka ho feletseng ha melao e sireletsang boqapi ho tutlela tšebetso ea morero morao 'me sena se suptjoa ke ho ba leqea ha bona ho bontša talenta tsa bona kaha ba na le tšabo ea hore mesebetsi ea bona e tla haptjoa.

Basin o re leetong la bona batho ba bang ba qetella ba ikhula ka lebaka la ho se hlocomele menyetla e tlišoang ke boikopanyo, ntho e senyang kholo ea bona haholo ke ho sebetsa ka likarohano e leng se etsang hore ba se ke ba ananeloa le ho bonoa ba le bohlokoa

sechabeng. A re mokhatlo o ba thusa hore ba tsebe ho iphumana kholong ea bona ea botaki, 'me ba rata ho rekisa litsebo kante le kahar'a naha. O re boqapi ha bo ka phamoleloa holimo ke e 'ngoe ea lintho tse tl'othusa hore litaba tsa bohahlali li bonahale li phahama kahar'a naha le litsebo.

O re ha ho ka moo bohahlali bo ka holang ho se lintlafatso tse teng tsa botaki kaha ha baeti ba bohlokoa ha ba le teng kahar'a naha ba tla khahloa ke mesebetsi ea bana ba Basotho le ho bona boiphihlelo ba bona ka hore hohle moo ho entsoeng meketjana ea boithabiso ba mengoe ho ea tsebahatsa mesebetsi ea bona. O

ipilelitse ho 'Musu oa Lesotho ho se ba le bale nakong ena eo o ntseng o leka ho bulela bacha menyetla ea boipheliso kaha le bona e le se seng sa litsi tse kholo tse ka matlafatsoang le ho kenyetsa naha chelete.

Naomi Motebang e mong bataki, o hlalositse hore mesebetsi ona o tla ka nako e nepahetseng eo ba lokelang ho tsebahatsa mesebetsi oa bona, ka ho hohela bohahlali, ho ba 'moho, ho ba ntho e le 'ngoe le hore mesebetsi ea bona e tsebahale machabeng. A re ba hloka tšehetso bakeng sa mesebetsi oa bona, ho bona hore b'a iphumana ba be 'moho le ho tlosa taba ea hore b'a hlolisana. O itse ke

sethala se seholo sebakeng sa ho bapatsa mesebetsi, hape monyetla ona o tla nakong eo lefatše le lokelang ho tseba bohlaele le boiphihlelo ba bana ba Basotho.

A re ba lokela ho sebetsa ba sa nyatsane kapa ho nahana ba hlolisana ka litsebo tseo ba nang le tsona, empa ba lokela ho thakelana ka malebela ho tšehetsana kholong ea khoebona e le hore bohle ba iphumane. O re ba ikutloa ba lokela ho sebetsa 'moho ho bona hore litaba tsa bonono, botaki le tse ling li ba matsohong le ho ntlafala.

Mokhahlalo ona ke oa bobeli oa lipontšuo o reretsoeng ho bontša kholo mahareng a liqapi.



# MOELETSI O TŠEHETSA BACHA

## Tšeliso Thakholi

**B**acha ba bangata ba bonahala ba ntse ba iphapanyetsa hore boikopanyo ke pheko ea tlhokahalo ea mesebetsi. E le ho tiisa 'nete ea taba ena, bacha le basali ba ntseng ba le bacha haholo lilemong ba ikopantse ho theha koporasi ea bacha le basali ba Basotho e bitsoang Lesotho Sustainable Agro Products Co-operative Society (LSAP).

LSAP e thehiloe ka khoeli ea Hlakola mongoaha, ea ngolisa ka molao ka Phupjane 2025, 'me e thehiloe ke bacha le basali ba 20. Koporasi ena e ntseng e le ncha haholo tšebetsong e sebetsana ka kotloloho le lihlahisoa tsa temo tse kang liperekisi le meroho ho etsa mefuta e fapakaneng ea lisopho e kang vegetable original soup, garlic and chilli, soya soup, hot soya soup le macaroni soup. Ka liperekisi ba etsa 'juice' e monate. Mongoli e Moholo oa Koporasi Mofumahali Thato Mokhethi o re phetela ka tsa Koporasi ena.

### QALEHO

Ha re ntse re qabetsoe hore na re ka tseba ho loantša tlala, bofuma le tlhokahalo ea mesebetsi joang kahare ho rona. Ke ha mokhethoa oa lebatooa la Stadium Area a re kopanya re le bacha le batho ba baholo ba nang le litsebo tse fapakaneng, 'me a re tšoarela lithupelo tsa mesebetsi e fapakaneng eo re ka tsebang ho itšoarela ka matsoho ho ithahisetsa mesebetsi. Kamorao ho lithupelo tsena tse ngata re ile ra lula fatše ho sheba hore



na har'a lintho tse ngata tseo re ithutileng tsona ke life tseo re ka qalang ka tsona tse bobebe kaha re ne re se na chelete ebile re sa sebetse.

Ra bona hore mokhoa o bobebe ke ho fetola lihlahisoa tsa temo re li etsa lijo. LSAP e qalile ka mokhoa o makatsang ntate! Re qalile ka ho sebelisa lintho tsa rona tsa ka malapeng tse kang mechini e etsang 'juice' re omisa meroho ka letsatsi kaha re ne re se na chelete ea ho reka mechini empa re na le takatso ea ho

qala tšebetso. Ra fela ra atleha ho qala 'me ra hlahisa lisopho le 'juice.' Hajoale re se re e-na le seomisi re se re omisa meroho ka mokhoa o bobebe o bileng o potlakileng haholo papisong le ha re ne re qala.

### SEPHEO SA KOPORASI

Sepheo se sehlo sa koparasi ea rona ke ho loantša tlala ka ho hlahisa mesebetsi ho fokotsa bofuma. Re ke re tlase le likelellong tsa rona re le sechaba sa Basotho 'moho le bacha hore motho a tle a qale khoebo,

ha ho bolele hore o tlameha hore a be le limillione tsa lichelete empa a ka qala khoebo ka se senyenyane seo a nang le sona.

### LISOPHO LE 'JUICE'

Kaofela lisopho tsa rona li na le mefuta e fapakaneng ea meroho. Re boetse re na le 'juice' e monate ka ho fetisisa. Ke tsona lihlahisoa tseo re nang le tsona tseo re seng re ntse re li rekisa hajoale, 'me li fumaneha likhoebong tse ngata haholo kahare ho motse oa Stadium Area le mathoko a eona.

### KHOLO EA KHOEBO

Ka likhoeli tsena tse fokolang khoebo ea rona e hola ka tsela e potlakileng haholo kaha re se re atlehile ho etsa lihlahisoa tse seng li fumaneha ka tsela e bobebe haholo mabenkeleng a habo rona. Kholo ena e potlakileng haholo ea koporasi ea rona e bakiloe haholo ke lithupelo tsa bohlokoa tseo re ileng ra li fumana e sa le sethathong. Re leboha Morena Molimo haholo ka boinahano bona bo bottle bo re thusitseng haholo hoba kajeno re se re e-na le seo re se etsang.

### TORO EA RONA

Toro ea rona e kholo ke ho bona koporasi ena e holile e tletse naha kaofela le kantle ho naha. Empa e kholo ka ho fetisisa re batla ho bona bacha le Basotho ba fumana mesebetsi. Re hlahise

mesebetsi e fapakaneng ho fokotsa bofuma.

### KELETSO HO BACHA

Boeletsi ba ka bo ka sehlohong ke hore bacha ka litsebo tsa bona, e ka ba ke tseo ba li fumaneng likolong kapa e le lineo tsa tlhaho ba ikopanye metseng ea habo bona ba ithehele mesebetsi ea matsoho e fapakaneng ho latela litlhoko tsa metse le metsana ea habo bona. Haele ena ea hore ha le qeta ho phethela lithuto tsa lona le batle ho tla sebetsa liofising eona le hle le lebale ka eona hoba mesebetsi ea mofuta o joalo e'a fokola. E mengata ke ea ha le ikopantse ka litsebo tsa lona le ithahisetsa eona. Tlohelang ho lula majoaleng le ho sebelisa lichefo tsena tse senyang bophelo ba lona. Emang le tiee le itšoarele ka matsoho. Ka tsela e joalo le tla tseba ho loantša taba ena ea tlala le tlhokahalo ea mesebetsi.

### KOPO HO 'MUSO

Re kopa ka hlomphe le boikokobetso ho 'muso oa habo rona ho tšehetsa likhoebo tsa rona tse fapakaneng kaha re se re ntse re qalile tšebetso ea rona. Re kopa haholo-holo rona o re tšehetse ka lisebelisoa e le hore koparasi ea rona e tle e tsebe ho hola ho feta mona, re tle re tsebe ho iphumana re hlahisitse mesebetsi e mengata bacha ba sebetsa.



# Le eena o e fa mokokotlo



o kopa ho e phathahatsa hang-hang.

Hlapisi ke setho sa bone sa DC se tšelelang ka ho RFP, paramenteng ea bo-11. O hlalositse hore mabaka a etsang hore a furalle DC ke hobane a ne a sa shebele litaba 'moho le bona a bile a batlela lebatooa la habo lintlafatso. A re ha a le ka bohanyetsing lebatooa la habo le hula ka lithako tsa morao hoo a sitoang ho arabela litšepiso tseo a li tšepisitseng Basotho. O re lebatooa la habo le lokela ho ntlafala tšebetsong ea hae ka lebaka leo o khethile ho furalla DC ho tsomela ba habo metsuntsunyane.

Potsong ea hore na o lumela hore lebatooa la habo le tla ntlafala nakong ena? O itse ho latela litšepiso tseo a li filoeng ke ba RFP o lumela joalo, hape ke takatso ea hae ka selemo sa 2027 ha ho uoa likhethong RFP ea be e le eona e busang e le 'ngoe kahar'a naha ena kaha hoo ho tla tlisa botsitso kholong ea lipolotiki tsa naha.

## Nthabeleng Seitlheko

Mokhethoa oa Maliepetsane NO. 55, Lehlohonolo Hlapisi o tšetse ho tloha ho Lekhotla la Puso ea Sechaba (DC) ho ea ho Letšolo la Ntlafalo ea Moruo (RFP), tulong ea

Ntlo ea Bakhethoa ba Sechaba ka la 11 Phato monongoaha.

Motsamaisi oa Lipuisano Paramenteng, Mohlomphehi Tlohang Sekhamane o ile a bala lengolo la eo le reng "Ke entse qeto ea ho tloha ka Lekhotleng la DC ho ea ho RFP," 'me qeto eo

Mazenod PRINTING WORKS (Pty) Ltd  
57396597  
28 350 815  
28 350 466  
lesaoanat@gmail.com

Malebela

Scan me

U se u ka fumana buka ea Malebela ho marang-rang a boletsoeng ka tlase kapa oa sebella code e kaholimo.

"Get the Akello app on Play Store, App Store, or Huawei App Gallery for Mazenod books and more. Download now!"

<https://library.akello.co/downloads>

## ESTATE NOTICE

**Estate Late LETSIE AND MALESHOBORO MOSHOESHOE E/L32/25**  
Notice is hereby given in terms of section 37 of the Administration of Estates and Inheritance Act 2024 calling upon all heirs, legatees and creditors of the deceased to attend a meeting on the 3rd September 2025 at 10:00 am at **TIM OFFICE COMPLEX THABA-TSEKA** for purposes of proposing some person/ persons to be appointed by the Master as executor dative to the above mentioned deceased person's estate.  
**DATED AT THABA-TSEKA THIS 30TH DAY OF JULY 2025**  
Master of the High Court Office  
TIM OFFICE BUILDING  
Thaba-Tseka

**MOELETSI OA BASOTHO**  
Prepare Good People For the Lord

**SERVICES**

- Advertising Space
- Notice space
- Tenders and Vacancies

**SUBSCRIPTION DETAILS**

- Monthly Subscription
- Three Months
- Six Months
- 12 Months

**Newspaper Content**

- Church news
- Sports News
- Health & fitness
- Agriculture
- Fashion, Dance, Modelling & Events

**CONTACT US HERE:**  
Tel: +266 28 350 466  
680 78 124 (Whats App)  
[moeletsoabasotho@gmail.com](mailto:moeletsoabasotho@gmail.com)

# Le qoba ho lefa lipoko

## Nthabeleng Seithleko

**L**ekala la Tekano, Bacha le Ntšetsopele ea Sechaba le khakotse tlhahlobo bocha ea manane a maqheku le maqhekoana le retsoeng ho netefatsa hore batho ba ntseng ba lefshoa litsiane khoeli le khoeli ke ba ntseng ba phela. Litaba tsena li bile ka la 11 Phato monongoaha.

Letona la Lekaleng lena, Mohlomphehi Pitso Lesaona o re lekala le khothaletsa hore bao ba ngolisitse ho tla fumana litsiane tsa bona tsa boqheku ka marang-rang. A re morero o moholo ke ho hloekisa manane mol-emong oa hore chelete e ntseng e sebelisoa ho lefa maqheku le maqhekoana a seng a timetse e sebelisoa ho eketsa litsiane tsa ba ntseng ba phela le ho akofisa lintlafatso kahar'a metse le metsana ea Basotho.

O boetse a bontša hore tsela ena ea ho lefa chelete ea batho ba seng ba holile ka marang-rang e tlo' bebofaletsa lekala ho ba le sesiu se hlakileng sa batho ba lefshoang esitana le ho khaola maeto a matelele sebakeng sa bona ha ba il'o fumana litsiane.

O re ba thakhola mokhoa oa hore ba tsebe ho baloa, ho netefatsa hore e ntse e le bona, le hore naha ka bophara bo-nkhono le bo-ntate-moholo ha ho batho ba ba nkelang chelete. A re ba fumane hore ho na le batho ba tseng ba nkela bao lichelete e se batho ba tsofetseng. A re ba lokela ho iponahatsa ka bongata ho netefatsa hore b'a baloa.

Nkhono Moroosi Ntlhangoe e le e mong oa ba amohelang litsiane tsena, o re ba leboha lekala ka ho hlahloba manane kaha nako le nako ho ba le likhoqetsane ha ba lokela ho lefshoa ka lebaka la lenane le sa hloekang. A re ka lebaka la marang-rang a fihlang ba se ba holile ba ntse ba e-na le letsoalo la ona empa ba ikemiselitse ho amohela mokhoa o mocha kaha ba se ba se na matla a ho lula ba ea litsing khoeli le khoeli.

O re o na le pelaelo ea hore bana ba tla ja chelete ea bona kaha ba se na ho tseba ha ba e fumane 'moho le baahisane ha ba tseba linomoro tsa bona tsa lekunutu. O re bohloko ke hore batho ba bang ba hlokomeloa ke bana kapa baahisane ba ba etsang hampe ka litsiane tsena, ka hona



ha ba e fumana ka letsoho ba ne ba atleha ho etsa litlhoko tsa bona habonolo. O re ke nakong ena moo ba

tl'o qetella ba hloka le lijo malapeng kapa ho ithokomela ka lebaka la lichelete tsa bona tse tla inkela

ke batho hobane ba se na tsebo le kutloisiso e phethahetseng ea marang-rang.

E mong Pakiso Meno o

hlalositse hore ba nka nako e telele ba le litšebelatsong ho se tsoelopele, ba fumana meputso motšoare haholo hoo ba qetellang ba etsa mekitlane. O re ba kopa ntlafalo ea litšebelatsong hore qetellong ba atlehe ho iphumana. A re o itela ho Basotho ho ingolisa ka nako.

A re leha ho fetola litloaele e le ntho e boima hakaa-lo empa qetellong ba tla tloaela hore ba se ba lokela ho fetola mokhoa oo ba etsang lintho ka ona. A re marang-rang a potlakisa lintho empa a na le litlamorao ka hona ho bohlokoa hore le batho ba tla ikarabella ho bo-nkhono ba fuoe lithupelo ho ba thusa ho utloisisa le ho boloka litsiane tseo hobane malapeng a mang li phelisa malapa. O ipilelitse ho lekala ho ba etela khafetsa hore ba tsebe ho hopola boikarabello ba bona eseng ba lahloe khrehloa kaha litsiane tsena li le bohlokoa.

Letšolo lena le sebetsa Seterekeng sa Maseru feela e le boithuto, 'me hang ha mosebetsi o phethetsoe le tla fetela literekeng tse ling.

## Ba thoholetsa lekala

### Nthabeleng Seithleko

**L**ekala la Thuto le Koetliso ka tšebelisanano 'moho le Arab Emirates le re le mothating oa ho beha tekong koetliso ea mosebetsi oa matsoho ka mokhoa oa tšebeliso ea marang-rang e le ho arabela tlhokahalo ea mosebetsi kahar'a naha le ho utulla litsebo tsa bana ba Basotho. Litaba tsena li boletsoe ke Letona la Thuto le Koetliso, Prof. Ntoi Rapapa 'mokeng oa bo-ralitaba oa la 11 Phato monongoaha.

O hlalositse hore koetliso ena e lebeletsoe ho nka khoeli e kenyeletsa ea thuto ea kamohelo ea batho libakeng tsa tšebetso esita le ea litšebelatsong ka marang-rang (CCTV). A re khato ena eo likopo tsa eona li buletsoeng ho tloha ka la 11 Phato monongoaha ho fihlela ka hora ea bohloko Laboraro e buletsoe banna ba 21 ho isa ho 45, ho ipapisitsoe le liphelelo tsa machaba libakeng tsa tšebetso, 'me liphelelo ke hore ho kene banna bao bolelele ba bona bo leng 173cm.

O re ba shebile bahlankana kapa bo-ntate, empa e le ho bona hore thuto e anela batho bohle ho kenyelet-

sa le basali lekala le se le nkile khato ea ho kenyeletsa litaba tsena likolong tsa mosebetsi oa matsoho. O itse ba hloka ho bona hore ba tsoelapele ka ho etsa lintho ba kopanela mesebetsi le linaha tse ling, mangolo a bona a tla ba thusa ho fumana mosebetsi libakeng tse fapakaneng.

Har'a likolo tseo thuto tsena li tla anela ho tsona tsa matsoho ke tse Leribe, Mohale's Hoek, Thaba-Tseka le Maseru 'me litichere li tla koetlisoa e le hore li tle li tsebe ho koetlisa baithuti. A re ke banna ba 100 ba lebeletsoeng ho kenela koetliso ena, eleng mokhahlelo oa pele, tebelo ke hore kamor'a ho phethela koetliso ena ho tla etsoa tšalo morao ea mosebetsi oa bona le phetoho eo ba e tlisitseng kahar'a naha.

Puisanong le e 'ngoe ea litichere tsa Likolo tse Ikemetseng, Relebohile Hlalane o hlalositse hore 'muso o nkile khato e nepahetseng ho bona hore o ntlafatsa litsebo tsa bana ba Basotho. A re nakong ena eo lefatše le seng le fetohile motsana ka tšebeliso ea marang-rang ho bohlokoa hore thuto e anetsoe ka litsela tsohle moo ngoana e mong le e mong a ka nolofalloang ke ho ithuta a

ntse a le lapeng. O re ho nepahala hore lithuto tsohle li isoe marang-rang kaha batho ba bang ba se ba sa thabele ho kena sekolo letsatsi le letsatsi ba tlohela mesebetsi ea bona.

O bontšitse ho tla ba bonolo hore thuto e anele bana bohle ho se khethollo kaha tšebeliso ea marang-rang e potlakile ebile ho se tšitiso ea hore ba tsoelapele ho itšokolela mesebetsi. O re mokhoa

ngolisetsa thuto ena, Tlotlisang Chonela o itse kaha a sa pasa hantle Foromong ea Bohloko hona ho tla mo thusa ho ntlafatsa litsebo tsa hae tsa thuto. A re o lumela hore lengolo leo a tla le fumana le tla mo thusa ho ntlafatsa litsebo tsa hae le ho bona hore e ba mocha ea nang le boiphihlelo le ho fihlela litoro tsa hae. A re e bang a ka phomella o ikemiselitse ho fetola bophelo ba hae hobane ha ho moo a



ona o mocha ke pula-maliboho bophelong ba sechaba sa Basotho ebile ho tliša tlatsetso ho batho ba bang ba se ntse ba tsoelapele ho ithuta ka marang-rang.

E mong oa bacha ba nang le thahasello ea ho

atlehang ho fumana sekolo ka lebaka la ho pasa hampe empa a e-na le takatso ea ho ntlafatsa lithuto tsa hae.

O thoholelitse lekala ka ho ba bulela menyako ka hore le bona e tla ba karolo ea sechaba se rutehileng.

# Lekala le tsomela lihoai



## Nthabeleng Seitlheko

**L**ekala la Temo, Kanetso ea Lijo le Phepo e Nepahetseng, Mokhatlo oa Lefatše oa Lijo (WFP) le SADP II li thakhotse letšolo la ho atametsa mebaraka haufi le sechaba le ho ba kopanya 'moho le barekisi ba lihlahisoa tsa temo. Litaba tsena, li bile ka la 13 Phato monongoaha.

Moemeli oa WFP Lesotho, Elliot Vhurumuku o hlalositse hore morero o moholo ke hore sechaba se kenelle litabeng tsa ntlafalo ea temo, ho bona hore ho ba le tšireletso lihlahisoeng tsa bona, haholo nakong ea komello, lipula tse matla le tse ling le ho bona hore moruo oa naha o'a hola le mebaraka e ba e tsitsitseng.

O re mosebetsi o moholo ke ho bona hore mebaraka ea fumaneha sebakeng sa Basotho. A re ha ba sebetsa 'moho e le mafapha a fapakaneng ho tla ba thusa ho koala sekheo se teng litabeng tsa temo. A bontša hore ha se taba ea ho beha lihlahisoa pepeneneng kapa ho li tsebahatsa empa e le ho fana ka sethala sebakeng sa Basotho ho nka boikarabello ka tlhahiso ea bona. A re hona ke mosebetsi o moholo o thusang boitšepo ho lihoai tsa Lesotho, ho bona hore li hlahisa lijo. O re Lesotho le boemong boo ba lokelang ho bona hore le'a tsitsa khoepong le ntlafalong ea moruo. O itse ha ba rate ho fetola Basotho mekopa-kopa empa ba hloka ho bona ba iketsetsa.

Manko Manko e mong oa barekisi bohle ba thepa ea masimong, o lebohile lekala ka ho tlisa moralo ona oa ho khobokanya bo-rakhoabo ho netefatsa hore lihoai li fumana menontša le ho fumana litšebeliso ka nako. A re ha ba sa lokela hore ha ba

fue monyetla e le bahoebi ebe ba e liehisa ho fihla mebarakeng, morero ke ho

hlahisa lijo tsa boleng, ba etsa boitlamo ba hore ha Basotho ba qeta ho hlahisa



# Li bohlokoa pokellong ea metsi-Bereng

## Nthabeleng Seitlheko

**L**ekala la Tikoloho le Meru ka lefapha la Meru le khakotse letšolo la khoeli le khoeli la tsosoloso ea botala ba naha ka ho lema lifate tsa litholoana le tse thibelang kholeho ea mobu mabopong a noka ea mohokare Seterekeng sa Butha-Buthe, Makhunane le tla tsoelapele ho sa Thaba-Tseka, ka la 8 Phato monongoaha.

Mokete Bereng Mookameli Lefapheng la Meru, o re kamor'a ho ithuta hore Naha ea Lesotho e lahlehela ke mobu o mongata, lekala le ikelelitse ho lema lifate tse fapakaneng ho thibela kholeho ea mobu. A re taba e kholo sebakeng sena ba tsosolosa botala ba

naha, ba qala leeto leo ba tla tsamaea ka lona ho fihlela ba khotsofetse hore naha e boemong bo nepahetseng sebakeng sa Basotho.

A re motho e mong le e mong moo a phelang teng o lokela ho nka boikarabello ba ho baballa tikoloho e le tala, e hloekile e bile e phetse hantle hore boieane ba tlhohleho bo lule bo e ba teng. O re e bang bophelo ba tikoloho bo se hantle le metsi ana ao naha e ithorising ka ona a tla fela hobane limela li bapala karolo e kholo pokellong ea metsi.

Thebe Poopo, sebakeng sa sechaba o lebohile lekala ka mohato ona, a supa hore o tlo ba thusa litabeng tsa ntlafalo ea temo le lekhulo. A re phetoho ea boemo ba leholimo e tlisitse liqholotso tse ngata empa ba tlameha ho tsoara ka thata ho

thepe ea bona ba t'lo e reka.

Letona la Temo, Kanetso ea Lijo le Phepo e Nepahetseng, Mohlomphehi Thabo Mofosi o hlalositse hore sethala sa ho bapatsa litaba tsa temo ke ntho ea bohlokoa kaha e bula

A hlalosa hore ho arabela litaba tsa tlhokahalo ea lijo ka ho arabela litaba tsa boqapi, Basotho ba leetong kaha maoto a bona a ntse a phahama a tloha hole, 'me lihoai li tobane le liqholotso tse ngata kaha ho na le moo ho qaloang teng ke methati oa pele oa ho ba hlahisetsa mebaraka le ho botsa bahlahisi bohle ba ba



monyetla litabeng tsa tlhahiso ea lijo le ho sheba hore na liqholotso tse tobaneng le temo ke life.

O itse ba batla temo e kenyeletsang bohle le ho ananela mesebetsi eohle ea lekala, ho phahamisa litaba tsa temo hape e ntlafetse, phetoho ea boemo ba leholimo le boqapi. A re 'Muso oa Lesotho o ikemiselitse ho tšehetsa Basotho litabeng tsa ntlafalo ea temo le tlhahiso ea lijo, 'me a bontša hore ke ho tsoarana ka matsoho ba ka tsebang ho hlola maemo a tala.

fepelang ka litaba tsa temo. A re ba na le tumellano le bona hore ba lokela ho ba le lipontšuo mabalane le masimong hore ba tsebe ho hlahisetsa Basotho lijo tse fapakaneng.

A leboha likhoebo tsohle, "Basotho ba tlohe moriting oa tebalo, ba tsohe borokong ba shebe hohle moo ba ka thusoang teng, lihoai li se ke tsa robala li tsoe ka makhalo ohle ho tsoma pholoho ho fihlela masimong moo naha e seng e tseba ho iketsetsa.

bona hore tikoloho ea bona e phela maemong ohle. A re thuto e pharaletseng litabeng tsena e lokela ho fanoa ho sechaba haholo balisana le hore batho ba se ke ba senya lintlafatso tse entsoeng ho thusa kholong ea naha kaha ho le molomong oa bokamosong ba bana ba bona.

Mokhethoa oa Meechechane, Jane Lekunya o ipilelitse ho sechaba ho lema lifate le ho baballa naha ea habo sona ka ho tibela mangope kaha a hlephile hohle kahar'a naha ho tloha linokeng, linokaneng, masimong le kahar'a metse le moo sechaba se neng se roalla patsi teng ke bothata. A re ekare ho ka ba le kamano le banna ba thaba, hore ba jale lifate ha ba li sebelisitse hore patsi e se ke ea fela le bona ba nke

boikarabello ba ho boloka naha e ntse e phetse hantle.

Letona lekaleng lena, Mohlomphehi Letsema Adontši o hlalositse hore litaba tsohle ba li etsa e le ho ntlafatsa tikoloho le ho bona hore boieane ba tlhohleho bo lula bo bolokehile. O re ke tokelo ea sechaba ho boloka tikoloho e le tala ka hohle-hohle hobane bophelo bo bongata ba Basotho bo itšetlehile limeleng. A re ba lokela ho tsoara ka thata ho bona hore hohle ho lengoa lifate ka mefuta-futa hobane ho hlokomelehile hore le lifate li se li feela, ha ba boetse ba bona hore botala ha bo sa hlaha ka matla ka lebaka la ho chesoa ha naha.

Letšolo lena ke qaleho ea leeto la ho kenyeletsa sechaba ho loantša kholeho ea mobu le tšenyeho ea naha.

# People see us how they need



are trying to paint but in all honesty it's not in our efforts but in how they see, they may complain we aren't flat enough so they may fall. This simply means, we must just be ourselves, normal, no hard work to try impress anybody, we will attract the right people and be with those who value us for who we are.

**T**he studies do, however hard we try to work to impress people they will forever see us how they need not how we portray ourselves. We are to people what they want to see in us not how we want them to see us. This is why people can easily ignore obvious and visible red flags in an individual when they want to comfort their desires to see what they want. It is therefore, imperative to be aware that how they see us is never validated by our actions or conduct but by their perception. We work ourselves over time mostly wanting people to see a picture we

<https://whatsapp.com/channel/0029VaksSPUJUM2dmlGDNh20>

Follow Moeletsi oa Basotho

## Official WhatsApp Channel

*and stay connected!*



Fumana litaba tsa morao-rao, litsebiso, likhatiso le tse ling ka potlako ka menoana feela!

WhatsApp: 6260 0983


[www.moeletsiobasotho.co.ls](http://www.moeletsiobasotho.co.ls)



## SUBSCRIBE & BUY ONLINE!

Monongoaha re batla re qatsohile haholo ho tsa marang-rang. Fumana libuka tse na ho marang-rang a Akello Library





SILEMO



LIFELA TSA BAKRISTE  
MANTSOE



Ngoana Jesu oa Praque  
Ea etshang Mefikolo



LINOVENA



**Mazenod BOOK CENTRE**  
Prepare good People for The Lord

**TIPS TO ACCESS**

<https://library.akello.co/downloads>

Steps to Access our Books on Akello Online Library

1. Visit Akello Library: Go to (<https://www.akellolibrary.com/>) or download the app on the link provided above.
2. Sign Up/Log In: Register or log in with your account.
3. Search: Use the search bar to find "Mazenod Book Centre" or specific book titles.
4. Select a Book: Click on the desired book to view details.
5. Borrow or Buy: Borrow free books or purchase premium ones as needed.
6. Read: Access the book online or download it for offline reading.

For issues, contact Mazenod Book Centre

WhatsApp: (+266) 57396597



**FOR MORE INFORMATION**

**22 322 213 / 27 350 562**

[maserubookcentre@gmail.com](mailto:maserubookcentre@gmail.com) / [bookcentre@mazenodprinting.co.ls](mailto:bookcentre@mazenodprinting.co.ls)



# TSA KEREKE

## O lleloa ke litšepe



ke ikemiselitse ho tšoaroa, ke tšoare le letšoa le reng ke tšehetsa PA.” O tlalehoa a ile a kopa sepolesa ka khutso e kholo le boikokobetso hore se mo tšoare, ‘me ke lekhetlo la hae la pele a tšoaroa. O tšoeroe tlasa Karolo ea 13 ea Molao oa Bokhukhuni oa 2000, o bontšang hore ke tlole ea molao ho lahisa sengoloa joaloka folakha, banner, kapa placard mahlong a sechaba ka tsela e hlohlellatsang merusu kapa tse khotaletsang ho tšehetsa ho thibeloa ha mekhatlo ea likhukhuni.

Ho sa le joalo, Ofisi ea Lehlae e tlalehoa e phatlalalitse hore e tiisa taba ea PA e le ea likhukhuni, ‘me e khotaletsa sechaba ho se ikamahanye le eona. E ka Fr. McGowan h’a k’a utloisisa hantle e sa le sethathong hore PA ke mokhatlo oa likhukhuni kaha a ne a lumela hore ke mokhatlo oa baitseki joaloka nako ea ho feta, boipelaetsong ba lilemo tsa bo-1990, bo neng bo le khahlanong le thekiso ea libetsa ea Naha ea Britain ho Indonesia nakong ea likhohlano tsa East Timar.

Tlaleho e qetella ka ho supa hore kamor’a ho lokolloa ha Fr. McGowan ka beile o lebeletsoe ho itlaleha motebong oa sepolesa oa Poplar mafelong a Loetse. “Ke ikemiselitse ntho e ‘ngoe le e ‘ngoe eo ba ka nket-sang eona, ke re esita le ho ea chankaneng ha ke na letsoalo la letho.” Ke Fr. McGowan eo.

-ICN-

## 2024-2025 SELEMO C

### SONTAHA SA 20 HAR'A SELEMO



Jeremia 38:4-6.8-10

Pesalema 39

Ba-Heberu 12:1-4

Luka 12:49-53



### Khothatso

## Se ka shebella

Sontaheng sena lipalo li re hlokomelisa hore ho latela Morena Jesu ke ntho e hloakang motho ea etsang e se ea buang feela, 'me ka nako e 'ngoe e tla le ho etsa boitlamo bo ka behang bophelo ba motho kotsing. Jeremia Thutong ea Pele o re fa mohlala oa ho bua 'nete ea Morena a sa khathalle bohanyetsi bo teng. Lengolo ho Ba-Heberu le re hopotsa ho laba-labela khotso le bohaleli, tse qosang motho ho etsa boitlamo ka liketso. Morena Jesu Evangeling o re bolella hore mosebetsi oa hae o tlo tisa karohano, e se hobane a rata likhohlano, empa ho khetha ho mo latela ho bolela ho se eme le tsohle tse amanang le makhabane a lefatše. Bophelo ba Bokriste ha se ho shebella bolo o le kantle ho lebala, empa ke ho kena ka lebaleng, ho matha lebelo le ho bapala ka tumelo, sebete le phehello. Evangeli e re qholotsa ho ba barutuo ba ikithaelitseng, ba ikemiselitseng ho thulana le mathata molemong oa 'Muso.

Kriste kajeno o bua ka mollo oo a reng o tla hotetsa lefatše 'me bohle ba hlatsuoe. Metsi le mollo ke matšoa oa bohlokoa haholo, hobane khale mollo e ne e le ntho e thabisang hape e tšosang. Bohlokoa ba ona bo bonahala mehleng ea khale moo ho ileng ha etsoa pale ka molimo ea neng a bitsoa Prometheus, ea neng a nkilo melimong. Ke hona mollong moo batho ba neng ba bokana ho lokisa puo, ho qapa lipina le ho buisana ka limisteri tsa bophelo. Balimo ba khale ba ne ba etsa lihlabelo pela mollo, 'me mosi o ne o nyoloha o isa lithapelo tsa bona holimo e leng se ileng sa hokahangoa le tumelo. Ho Ba-Heberu ba khale mollo o ne o bontša boteng ba Morena Molimo. (“Morena Molimo ua hau, ke mollo o tukang” Deutoronoma 4:24) Bajodi nakong eo ba tsoang Egepete ho ea Lefatšeng le Halalelang ba ne ba eteletsoe pele ke serumula, e le letšoa la Morena Molimo ea ba etellang pele.

Mollo o ka boela hape ea ba ntho e tšosang e chesang kapa ho timetsa motho, empa le teng likamano tsa motho le Morena Molimo li ka bapisoa le mollo. Boteng ba Morena bophelong ba hau bo ka o fetola kapa ho u sokolla. Le teng lihele e ka ba eng kapa eng eo motho a ikutloisang bohloko ka eona ho latela tsela eo bophelo bo leng ka eona.

Ho boela ho hlaha hape taba ea tlhatsuo e leng ho tlišang metsi, 'me evangeling ea kajeno metsi le mollo li bolela hore Kriste o na lokela ho lokafatsoa ka ho feta mahlokong le lefung ke ka hona a nang le maikutlo ana h'a nahana tse tlang. Molaetsa oa Evangeling Kriste o n'a bua ka 'nete e tla etsahala, e leng sabole e ka thunthetsang likamano lipakeng tsa baamani.

Tumelo ea Bokriste ha se ntho ea batho ba ratang ho lula ba shebella ba bang, Jeremia o ile a tela bophelo ba hae ho hasanya molaetsa oa Morena; Morena ka sebele sa hae o re elellisoa hore molaetsa oa hae o tla phepet-sa likamano tse atamellaneng haholo. Borutuo ba hloka liketso, sebete le eona phehello.

Re ke ke ra satalla nqa e le 'ngoe, re lokela ho kena kahar'a selikalikoe 'me re fepe ba lapileng, re bue 'nete, re tšoarele lira tsa rona hape re be lipaki tse phelang tsa Molaetsa o Molemo leha hoo ho ka re nkela botumo kapa bophelo bo monate. Ha re hapoleng hore Bokriste ha bo'a itšetleha hakaalo hore na ke mang ea fihlang pele khoeleng, empa ke tlhlo e tšepisoeng bohle ba phehellang ho isa qetellong.

Ka hona bana b'eso motho ka mong a tsebe lebelo la hae, a le mathe 'me a se iphumane a etsisa ba bang. Bophelo ba hau bo tsejoa ke Morena, 'moho le tsela eo u lokelang ho e latela. Ka lebaka lena aha likamano tse ntle le Eena 'me mollo oa hae o tla u tataisetsa tseleng ea 'nete e tla u isa bophe-long bosafeleng. Ema u etse 'me liketso tsa hau ke tsona tse tla u pholosa.

## Bahalaleli har'a Beke

- 18 Phato Helena
- 19 Phato Julius
- 20 Phato Lucius
- 21 Phato Pius X
- 22 Phato Martial
- 23 Phato Lupus

### Tšelisothakholi

Moprsta oa Kereke e Katholike oa Parish ea Josefa ea Halalelang motseng oa Chalfont St. Peter, Fr. John McGowan o ile a tšoaroa ke sepolesa a ba a koalooa Palament Square, nakong ea boipelaetso ba Palestine Action (PA) bo etsahetseng mafelong ana a beke kamor'a hore moprista enoa oa Kopano ea Ma-Carmelite a bontše a ikemiselitse ho tšehetsa Mokhatlo ona oa baitseki oa PA o belaeloang e le oa likhukhuni ke 'Muso oa UK.

Ho ea ka phatlalatsa e ntšitsoeng ke koranta ea Independent Catholic News (ICN), ho tšoaroa ha Fr. McGowan ke sepolesa ho entsoeng ntle le khanyetso ka Boroa-Bocha-

bela ho Buckinghamshire, ho nkile lihora tse 'ne pele a lokolloa ka beile e bitsoang ea seterateng, e leng mofuta oa beile e nang le liphelelo ha ho ntse ho etsoa lipatlisiso tse ling.

ICN e re Fr. McGowan o boletse hore le hoja a rata Jerusalem le ho phela teng nako ea lilemo tse hlano, o hlokometse hore 'Muso oa UK o hlohile ho phetha tokelo ea ona ea ho thibela lipalo tse sehloho tsa batho Gaza, 'me PA e nkoang e le sehlopha sa likhukhuni ke eona e emeng ka maoto ho leka ho etsa sohle se matleng a eona ho tiisa maemo a nyarosang a lipolao tlasa taolo.

Tlaleho e re Fr. McGowan o ile a tloha Parish ea habo a ngotse molaetsa o reng; “Ke ile ka tloha Parish ea heso

### THAPELO EA JUBILEE



#### Ntate ea Maholimong

Ak'u etse rea u rapela hore tumelo eo u re fileng eona

Ka Mor'a hau ebile e le ngoan'abo rona Jesu Kriste,

'moho le mollo oa lerato ka lipelong tsa rona

Mollo o tlišoang ke khantšetso ea Moea o Halalelang

li ke li tsofolose tšepo e lehlohonolo ea ho tla ha 'Muso ua hau.

Mohau ua hau o ke o re fetole basebeletsi ba

mafolofolo tšimong ea hau,

Basebetsi ba jalang peo ea molaetsa o molemo oa

Evangeli.

E le hore peo eona eo, e hole ka botebo kahar'a batho bohle le kahar'a

tlhohleho eohle, e fihlise ka ho phethahala tebelo ea ho tla ha

Leholimo le lecha

Le Lefatše le lecha.

Moo kamor'a hore matla oohle a bobo a feliso,

tlotla ea hau e tlang ho bonahatsoa e khanya

kabosafeleng.

Ka mohau ua hau grasia ea Jubilee ena e ke e

tsofolose kahar'a rona takatso

Ea ho nka leeto la tšepo le taba-tabelo ea ho fihlela Letlotlo la

Leholimo.

Hape mohau ona oo, o ke o atise o be o ngatafatse thabo le khotso

tša Mopholosi oa rona lefatšeng

lohle.

Joale letlotlo le thoriso li ke li isoe ho uena Morena Molimo oa rona

Ea Halalelang 'me ea Tlotlehlang kamehla le mehla.

Amen.

### Thapelo ea Khotso

Oho Molimo oa toka le khotso, re hlonofofatse rona baahi ba Lesotho, 'me u re thuse ho phela khotsoeng le leratong la hao.

“Morena, nketse mosebetsi oa khotso ea hao. Moo lehloeo le leng teng, ke jale lerato. Moo batho ba fosetsaneng, ke jale tšoarelo. Moo lipelaelo li leng teng, ke jale tumelo. Moo batho ba nyahameng pelo, ke jale tšepo. Moo lefifi le leng teng, ke tlise leseli, Moo masoabi a leng teng, ke jale thabo. Molimo oa ka, etsa hore Ke se ipatlele ho tšelisoa, ke mpe ke tšelise ba bang. Ke se ipatlele ho utloisisoa, ke mpe ke be ea utloisisang ba bang. Ke se ipatlele ho ratoa, e mpe e be 'na ea ratang ba bang, Hobane ke ka ho fana, re fumanang, ka ho tšoarela, re tšoareloang. Ka ho shoa, re tsoalloang bophelo bo sa feleng.

Amen.”

# O itsoellapele

a e-na le boiphihlelo ba ho tsamaisa lipapali tsa machaba ke e bileng lipakeng tsa Mamelolo

di Sundowns le Double Action ea Botswana ea Women's Qualifiers ka selemo sa 2023. E tla be e le lekhetlo la boraro a khetheloa ho ba e mong oa baletsaphala ba nang le litsebo tsa ho tsamaisa lipapali tsena kaha ngoahola a ile a boela a ipabola lipapaling tsa basali tsa machaba moo a ileng a tsamaisa lipapali tsa makhaola-khang a Gaborone United le e 'ngoe ea Li-Unifesiithi, lipapaling tse neng li bapalloa Western Cape.

Sena seo Setoko a seng a se fihletse se tliil'o tsosa morolo oa baletsaphala ba basali ho ipabola haholo mosebetsing oa bona ha selemo sa lipapali se qala, 'me litlholiso tse tsa COSAFA tseo a tliil'o sebetsa ho tsona ke ea tse ling tse thata haholo kaha e sebetsa ka thuso ea setšoantšo sa thelefishini (VAR) ho etsa liqeto tsa baletsaphala, 'me sena se tliil'o etsa hore a be hlokolosi haholo ho se etse liphoso tse ngata nakong eo a tsamaisang lipapali.

Mokhoa ona oa ho thusa baletsaphala ka VAR o batla o se o tloaelehile haholo linaheng tsa Europe, 'me baletsaphala le libapali ba se ba amohetse boteng ba eona le hore eng kapa eng eo ba e etsang e tliil'o nyakureloa ka thata. Ka lebaka lena ba bapala le ho tsamaisa lipapali ka tsela e se nang liphoso tse ngata.

Ho ea ka baletsaphala ba basali ho khethoa ha Setoko ho paka kholo ea Lesotho karolong ea baletsaphala. Ba boetse ba re se ba file morolo oa ho tla ithukhubetsa ka matla a maholo tšebetsong ea bona ha lipapali tsa Liki e Kholo ea Basali li qala. Ba phethela ka ho bontša ba e-na le tšepo e kholo ea hore Setoko o tla sebetsa hantle joaloka kamehla, "me re na le taba-tabelo ea ho bona kamoso ho bitsoa baletsaphala ba Lesotho ba bangata e le hobane ba tla be ba ipabola ka makhabane a bona." Ke bona bao.

## Tšeliso Thakholi

**E** mong oa baletsaphala ba hloahloa papaling ea bolo ea maoto ea basali Naheng ea Lesotho, Mofumahatsana Nteboheling Setoko ea ntseng a tsoellapele ho ipabola ka ho hlahella lipapaling tse kholo tsa machaba o khethetsoe ho sebetsa litlholisanong tsa CAF Women's Champions League le tsa Mohope oa COSAFA tse tlang ho tšoareloa Johannesburg, Afrika Boroa ka la 22 ho isa la 31 Phato 2025.

Mosebetsing ona oa hae oo a o etsang ka lerato le ka boitelo, papali ea hae ea pele ea e ileng ea mo bulela mamati le ho pakahatsa hore e fela



## Hip Hop e ntse e hloa mekoalaba

### Tšeliso Thakholi

**S** ebini sa 'mino oa Sotho Hip Hop, Tumelo Seliane 'T-Born' ka moo a reneketsoang ka teng selika-likoeng sa 'mino o re 'mino oa Sotho Hip Hop Lesotho o ntse o hola ka potlako e hlolang, 'me lilengoaneng tse seng kae tse tlang, 'mino ona o tla be o nkile mojao o ratoa haholo ke Basotho.

T-Born ea haulang batho ka 'mino oa hae h'a hloelletse sethaleng a tsanyaola ka makhethe, o re toro ea hae ka 'mino oa Sotho Hip Hop ke ho bona o hola, o ntlafala 'me lichaba tse ling li re tseba ebile li re hlompha ka ona. Ho tiisa 'nete ea hore o batla ho bona Lesotho le hloelletse sehlohlolong ka 'mino oa Sotho Hip Hop, T-Born o hatsitse pina ea hae e ncha e bitsoang 'Ke Molisana'.

O re pina ena e ncha eo a bileng a entseng le DVD ea eona o tšetse makolulo lintho tse monate ka puo e monate ea Sesotho. Molaetsa o mohlolo oa pina ena ke hore

Basotho bohle ba nang le liphoofole, ba bile ba hirile balisana ba ke ba itlhlahlobe, ba ikelelloe hore na ba tšoare balisana joang kaha e le batho ba bohlokoa bophelong ba letsatsi ka leng. O boetse o re ka pina ena ke sesupo sa hore 'mino oa Sotho Hip Hop o ntse o hloa mekoalaba.

O re batho ba bangata ba thabela 'mino oa hae ka hore o khetholohile ka lebaka la Sesotho se monate, ke makolulo a kenang pelong ea ngonan'a motho hamonate molaetsa o fete habobe-

be. Sena ho ea ka T-Born se entsoe ke boitelo le lerato leo a bileng le lona h'a binela Basotho meketeng ea 'mino e fapaneng. Le ha 'mino e le sejo sa moea, ha hoa ka ha e-ba monate ho eena ka linako tsohle 'minong.

O re ka linako tse ling o ile a hohlana le batho ba bang ba utsoang 'mino oa bona eba ba o rekisa ka theko e tlase. "Empa ho ba sebini, motho o lokela a be le mamello, boitšoaro le ho amohe-la lietsahala tsa maemo a bophelo ka mafapha ohle." O boletse joalo

a bile a eketsa ka hore 'mino ka bo-ona ke setlhare o'a folisa hape o tseba ho fetola bophelo ba batho ho tloha liketsong tse mpe tseo ba li etsang ho khomarela tse ntle.

O tiisa hore ke maikemisetso a hae ho bona Leostho le ntlafala 'minong oa Sotho Hip Hop, 'me le eena le libini tse ling kahar'a naha tsa 'mino ona ba kenya moea oa lerato le oa kutloano sechabeng. Ka tsela e joalo o re Naha ea Lesotho e tla hola 'minong 'me e tsejoe le ho ratoa machabeng.



# Lioli e tšoara tau ka litlena

**Tšeliso Thakholi**

**K**amor'a hore lotho ea lipapali tsa mathomo tsa Mohope oa Bompoli ba Lihlopha tsa Afrika(CAF Champions League) tse hapileng Liki linaheng tsa habo tsona e etsoe, Bompoli ba Bolo ea Maoto Lioli 'Tse Nala' se hlalelletse se pannoe

le sa Orlando Pirates, 'me barati le batšehetsi ba bolo ea maoto ba re ba batla tlotla ea ho pola Pirates kaha nalane e bontša hore lihlopha tse kholo tsa Lesotho kamehla ha li bapala le tsa Afrika Boroa ha li e-s'o fetele mokhahlelong o hlahlamang oa lipapali tsona.

Ba re libapali tsa Lioli li lapetse tlhoho haholo, 'me se lumang kahar'a lihlooho tsa tsona ke ho etsa nalane ka ho fetela pele ho makha-

ola-khang a mohope ona. Ba re ho tla tloa litlhase ha Lioli e lata letailana mokhahlelong oa pele oa lipapali tsona, 'me ho tla fumanoa mohloli ea fetelang lipapaling tse hlahlamang kamor'a hore ho bapaloe lipapali tse peli, e le ho bona hore na ke sehlopha sefe se tla ea mokhahlelong o hlahlamang oa moo lihlopha tse 'ne li tlang ho bapalana.

Ba re ba eelletsoe hore Lioli e hutse sehlopha se

matla empa le eona ke se seng sa lihlopha tse nang le libapali tse hloahloa, 'me Orlando Pirates e ke ke ea e thiba ha bobebe kaha seo ha se se ka emang mererong ea sona ea ho etsa nalane e ncha lihlopheng tse kholo tsa Naha ea Lesotho. Ba re letsatsing la mohla monene litaba tsa hore na Pirates e tumme joang ha e na ho sebetsa, empa taba ea bohlokoa ke ea hore na mokoetlisi e

mocha Monghali Bongani Maseko o tla atamela papali eo joang.

Ba hlalosa hore sehlopha sa Lioli se ntlafetse haholo kaha se sa tsoa tekana libapali tse ncha tse tsoang sehlopheng sa Bantu, e leng Litšephe Marabe, Hlompho Kalake le Tšoanelo Koetle bao e leng ba bang ba libapali tse seng li e-na le boiphihlelo lipapaling tsa boemo ba machaba. E boetse ea tekana libapali tse matla tse kang Hlompho Lebina, Boitshoko Sekai le Pontšo Moabi. Ba bontša hore ha Lioli e ka feta ho Pirates ba boetse ba hlokometse hore ba tlii'o kopana le lihlopha tse hloahloa tse kenyeletsang har'a tsona El Merreikh ea Naha ea DR Congo.

Ba qetella ka ho khothelatsa libapali tsa Lioli ho qala e sa le hona joale ho beha litaba-tabelo tsa Basotho pele e seng ho icheba bo bona ebe ba lebala morero o moholo oa sehlopha, e leng ho tlela Lesotho le Basotho tlhoho. "Re hloka ho bona Lioli e le kahar'a tse 'ne tse tla bapala ho makhaola-khang." Ba rialo.



## O re ba behoa moepeng

**Tšeliso Thakholi**

**K**amor'a hore Komiti e Tsamaisang Lipapali tsa Liki e Kholo(PLMC) e phatlalatsa ka molao lipapali tsa mokhahlelo oa pele tse qalang selemo se secha, e mong oa batšehetsi ba sehlopha se sa tsoa kena Liking ea Lihlopha tse Kholo, Rethabile Falatsa o re barali ba liki ba e ralle hore Members ha e qala feela e imeloe.

Falatsa o buile tsona a ipapisitse le lipapali tsa pele tsa Members moo kamor'a hore ba amoheloe ke Lioli ka la 13 Loetse monongoaha papaling ea bona ea pele, ba tla boela ba amoheloe ke sehlopha se kotsi haholo sa LMPS 'Semonye' ka la 21 Loetse tlasa mokoetlisi e mocha e leng Halemakale Mahlaha. E be haese e amohetsoe ke lihlopha tsona tse peli kahar'a Liki e Kholo, e be eona e amohela sehlopha se boima haholo sa LCS 'Masheshena' se tlasa leihlo le nchocho la mokoetlisi

oa Sehlopha sa Naha Lesley Notši.

Ho ea ka Falatsa lihlopha tsona tseo ba tlii'o qala le tsona li boima haholo, 'me lihlopha tseo a bonang li le bobenyana haholo mokhahlelong ona oa pele tseo ba tlang ho lebanya thebe le

ntse se lahlehelo ke lipapali. Ke bona e ka ke hona moo re tlii'o ngoatha lintlaha-khoho hona teng, e re ha re fetela karolong ea bobeli khetsi e be e se e phophoma." A rialo.

Litaba tsona li ananetsoe ke ba bang ba bakoetlisi ba

ea papali ea bolo, ba tiisa hore Lioli e tlii'o bapala le Members e le ha e tla be e e-na le libeke li se kae e qeta ho bapala lipapali tsa Mohope oa Alliance, e boetse e itokisetse ho tla bapala le Orlando Pirates ea Afrika Boroa.

Ba re mosebetsi oa ho lokisa ho bapala ha lihlopha ha se potele e khoathaoang

ADMACO b'a sheba hore na e nepahese pele ba ka e lokollela lihlopha le barati ba bolo ea maoto. "Ha e ne e se Lioli e ne e tla ba sehlopha sefe?" Ba botsa ba bile ba phethela ka ho hlokomelisa barati le batšehetsi ba Members hore se entsoeng ha se ka morero ho hang, empa e etsahala ha bobebe tšebetsong ena.



tsona ke Liphakoe, Manonyane, Machokha le LU. "Le ha ho se sehlopha se batlang ho qala liki se se se

lihlopha tsa A Division hore e hile Members e tlii'o kopana le pela li falla. Ho ea ka tsebo e tebileng ea bona

ka lehlaka, o boima haholo ebile ha o qeta ho lokisoa hore na lihlopha li tlii'o bapalana joang PLMC joaloka

Ka hona Members e holile ke sehlopha se sehlo, 'me ha se lokele ho tšoha moru ho se na ncoe.